


1940

საქართველოს
საბავშვო
საზოგადოებრივი
საბიბლიოთეკო

თქცთმბრულო



19

1940



ოქტომბრედი

საბართმელოს ა. ლ. კ. კ. ციკან და სპ. ბანსაბკოვის ირთვიური ორბანო
„Октомбреди“ журнал Центрального Комитета ЛКСМ Гр. и Наркомпроса Грузии.

შპს შინაარსი

✓ 1. ილია სიხარულიძე, — გურამიკოს დარდი (ლექსი)	89-1
2. ნიკოლოზ ნაბრელი, — დიდი ოჯახის ახალი წევრები (ნარკვევი)	2
✓ 3. გიორგი კახაბიძე, — გმირის შოლოდინში (ლექსი)	4
4. ილო მუსაფილი, — კიენას თავგადასავალი (პოემა)	5
5. დავით შამათაძე, — ირემი (ზღაპარი)	7
✓ 6. ანდრო თევზაძე, — ჩვენი სკოლა (ლექსი)	11
✓ 7. იოსებ იმედაზილი, — ზარმაცი (პიესა)	11
8. მიხ. მახულაფილი — პეტრე ბეგრატონი (ნარკვევი)	14
9. ნინო ტყეშელაფილი, — აკლის ხე (მოთხრობა)	გარეკანის მე-3 გვ.
10. ვანო მათიაფილი — ხვალ თუ ომი იჭრება (ლექსი) გარეკანის მე-4 გვ.	გვ.
11. სტეპანი არღუთელი, — ოქტომბრელის სიმღერა (ლექსი) გარეკანის მე-4 გვ.	გვ.

ფურცლის მხატვრობა ეკუთვნის — დონს

პასუხისმგებელი რედაქტორი: ლ. შიშინაძე პასუხისმგებელი მდივანი: ანდრო თევზაძე

გადეცა წარმოებას 29/VIII 1940 წ.
ხელმოწერილია დასაბეჭდად 25/IX 40 წ.

ქალაქის ზომა 60X92
ფორმათა რაოდენობა 22-გვ. 9¹/₂X14

გურამიკოსი პარტი

ილია სიხაჯალიძე



გურამიკოსს სწავლა უნდა,
 სულ ჩანთაში აწუიბს წიგნებს,
 სკოლაში თვით წავიდოდა,
 მაგრამ გზას რომ ვერ გაიგნებს!
 შინ როდემდის უნდა იჯდეს,
 ბიჭს აწუხებს სწავლის დარდი,
 გურამმა რა დააძვავა,
 სკოლაში თუ ეველა დადის!
 დედან ჰკითხავს:—მე სკოლაში
 როდის, როდის მიმბარებ?
 —მალე, შვილო, ოღონდ ცოტა
 გაინარდე კიდევ ბარემ!
 —რა ვქნა, რად ვერ გავინარდე,
 განა არ ვარ უკვე დიდი!
 დათვლა ვიცი: ერთი, ორი,
 სამი, სუთი, ათი, შვიდი;
 ლექსებსაც სომ კარგად ვამბობ
 და შენ თხიანას არ მისრულებ“.
 გურამიკოა ქართულ ლექსებს
 რუსულ წიგნში აბუღბულებს.
 ხატვაც იცის: აი, წიწილს
 თავთან ფეხი გამოაბა,
 ფრთები ისე გაუკეობა,
 კეკონება სწორედ კაბა.
 ჰო და, რა ქნას გურამიკომ,
 ბიჭს აწუხებს სწავლის დარდი,
 ამან რაღა დააძვავა,
 სკოლაში თუ ეველა დადის?!

ვხან



ჯიჯი ოჯახის ახალი ნაკრები



ნიკოლო ნაგაიდი

თქვენ, პატარა ბავშვებო, ალბათ გაგონიათ ბალტიისპირა ქვეყნები: ლიტვა, ლატვია, ესტონეთი. ყველა ესენი ბალტიის ზღვის ნაპირებზე მდებარეობენ და ამიტომ ჰქვიათ ბალტიისპირა ქვეყნები.

ამ ცოტა ხნის წინათ ამ ქვეყნებში მეტად დიდმნიშვნელოვანი ამბავი მოხდა: მშრომელმა ხალხმა დიდი საბჭოთა კავშირის დახმარებით დაამხო ბურჟუების ბატონობა და საბჭოთა ხელისუფლება დაამყარა. ლატვია, ლიტვა და ესტონეთი ახლა საბჭოთა სოციალისტური რესპუბლიკებია.

განთავისუფლებულმა მშრომელმა ხალხმა ჩვენს საყვარელ სამშობლოს თხოვნით მომართა: მიგვიღეთ თქვენს კავშირშიო. გასულ თვეში უმაღლესი საბჭოს მეშვიდე სესიამ დააკმაყოფილა ლიტველი, ლატვიელი და ესტონელი ხალხის შუამდგომლობა—სამივე რესპუბლიკა მიიღო საბჭოთა კავშირის შემადგენლობაში. ისინი მიღების დღიდანვე გახდნენ დიდი ოჯახის ახალი სრულუფლებიანი წევრები, საბჭოთა კავშირის სრულუფლებიანი მოკავშირე რესპუბლიკები.

ამაირად ჩვენს უზარმაზარ სამშობლოს კიდევ ახალი ძალა შეემატა.

იციო, მერე, როგორი არიან ახალი წევრები?

მათგან ყველაზე უფრო დიდი, მცხოვრებთა რაოდენობით, არის ლიტვა. აქ ორ მილიონ რვაას ოთხმოცი ათასი სული ცხოვრობს. ყოველ ას კაცში ოთხმოცდახუთი ლიტველია, დანარჩენი კი სხვა ეროვნებისა: რუსები, ებრაელები, პოლონელები...

ხალხი აქ მეტწილად სოფლებში ცხოვრობს.

ლიტვის დროებითი დედაქალაქი გასულ თვემდე კაუნასი იყო. 1920 წლამდის მას სხვა დედაქალაქი ჰქონდა—ეს იყო ვილნო. მაგრამ სწორედ ამ წელს ვილნო ძალით წაართვეს ლიტვას პოლონელმა დამპყრობლებმა. მხოლოდ გასულ წელს, პოლონეთის დამპალ სახელმწიფოს დაშლასთან დაკავშირებით, საბჭოთა კავშირმა დაუბრუნა ლიტვას აღნიშნული ქალაქი. ვილნო ახლა ლიტვაში შედის და უკვე ის ითვლება დედაქალაქად.

ძალიან ლამაზი ქალაქია ვილნო. ის სწორედ თვალწარმატებელი ადგილას მდებარეობს, ორი კრიალა მდინარის—ვილიეკასა და ვილიას—შესართავთან.

დაახლოებით ორასიათასი სული ცხოვრობს ვილნოში. აქ არის სხვადასხვა კულტურული დაწესებულება, სკოლები, ფაბრიკები, ქარხნები...

ვილნოს შემდეგ ლიტვაში დიდი ქალაქია კაუნასი. კაუნასში დაახლოებით ას ორმოცდაათიათასი კაცი ცხოვრობს.

ვილნოსა და კაუნასს გარდა არის ქალაქები: შაულია, პანევეჟისი, მარიამპოლე და უკმერგე. ამ ქალაქებში არის ტყავეულის, შაქრისა და არყის პატარ-პატარა საწარმოები.

საერთოდ ლიტვა სოფლის მეურნეობის ქვეყანაა. აქ არის სახნავ-სათესი მიწები, საძოვრები, ბაღები, ტყეები, მდებარეობს ვილნის უდიდესი ნაწილი უკანასკნელ დრომდის მემამულეების ხელში იყო. მხოლოდ საბჭოთა ხელისუფლებამ დაურიგა გლეხებს უფასოდ მიწა.

გლეხები და ქალაქის მშრომელი მოსახლეობა ძალიან ღარიბად ცხოვრობდნენ. ეს სიღარიბე გავლენას ახდენდა სახალხო განათლების მდგომარეობაზე. იმ-

ის გამო, რომ არ მქონდათ ტანსაცმელი, ფეხსაცმელი და წიგნები, ბავშვები ვერ დადიოდნენ სკოლაში. მთელს ლიტვაში მხოლოდ ოცდაშვიდი არასრული საშუალო სკოლა იყო.

ლიტვის ისტორია დაკავშირებულია საბჭოთა კავშირის ხალხების ისტორიასთან. საუკუნოებრივ ბრძოლაში ლიტველი, პოლონელი და რუსი მემამულეების წინააღმდეგ ლიტველ ხალხს დახმარებას უწევდა დიდი რუსი ხალხი.

1918 წელს ლიტვაში გამოცხადდა საბჭოთა ხელისუფლება. მაგრამ საბჭოთა ხელისუფლებამ ლიტვაში მხოლოდ ას სამი დღე იარსება. იგი იმპერიალისტების შეიარაღებულმა ბრბოებმა ჩაადრინეს სისხლში, იქ ხალხის მტრები გაბატონდნენ, რომლებიც უკანასკნელ დრომდის პარაზობდნენ.

მეორე ბალტიისპირა ქვეყანა ლატვია ფართობით უფრო მოზრდილია ლიტვაზე, მაგრამ მცხოვრებთა რაოდენობით კი ნაკლებია. აქ დაახლოებით ორ მილიონამდის კაცი ცხოვრობს.

მოსახლეობის უმრავლესობას ლატვიაში ლატვიელები შეადგენენ. შემდეგ მოდიან რუსები, ებრაელები და პოლონელები.

რესპუბლიკის დედაქალაქია რიგა. რიგა ყველაზე მთავარი სავაჭრო-სამრეწველო და კულტურული ცენტრია. აქ არის ქარხნები, ფაბრიკები, უმაღლესი სასწავლებლები, მუზეუმები...

ქალაქში გადის საუცხოო სანაოსნო მდინარე — დასავლეთი დვინა. საერთოდ

ეს მდინარე მთელ ლატვიას ქრის ორ ნაწილად.

ლატვიის მიწის წიაღში მოიპოვება თაბაშირი, ცარცი, დოლომიტი და სხვა მადანი. მრეწველობის ყველა დარგიდან აქ ყველაზე უფრო განვითარებულია კვების მრეწველობა. რესპუბლიკაში ბევრია შაქრის ქარხანა, ზეთსახდელი ქარხნები, თამბაქოს ფაბრიკები. მეორე ადგილი უჭირავს საფეიქრო მრეწველობას.

ლატვიაში წინათ უფრო იყო განვითარებული მრეწველობა, უკანასკნელი წლების მანძილზე დაეცა მრეწველობა და პირველი ადგილი სოფლის მეურნეობამ დაიკირა, მაგრამ არც სოფლის მეურნეობაა აქ სახარბიელო მდგომარეობაში. ბოლო წლებში მას არავითარი ზრდის ნიშნები არ გამოუჩენია. ეს იმიტომ, რომ მიწების დიდი ნაწილი მემამულეების და კულაკების ხელში იყო, ღარიბ-ღატაკი გლეხობა კი უმიწაწყლოდ იტანჯებოდა.

ლატველი მშრომელი ხალხი დიდხანს იბრძოდა თავისუფლებისთვის. ლატვიის მუშათა კლასმა 1905 წლის რევოლუციაში, დიდი ლენინის თქმით, „ერთერთი პირველი, ყველაზე მნიშვნელოვანი ადგილი“ დაიკავა.

1917 წელს ლატვიაში გაიმარჯვა რევოლუციამ, მაგრამ იგი მალე ჩაახშეს კაპიტალისტებმა.

ერთი წლის შემდეგ კვლავ შეიქმნა აქ დროებითი საბჭოთა მთავრობა, მაგრამ კვლავ დაამხეს საბჭოთა რესპუბლიკა კაპიტალისტებმა და მემამულეებმა.

შემდეგი ბალტიისპირა ქვეყანა არის ესტონეთი. იგი ბალტიის ზღვის აღმოსავლეთ სანაპიროზე მდებარეობს. ჩრდილოეთით ესტონეთს აკრავს ფინეთის ყურე, დასავლეთით — ბალტიის ზღვა დარვიგის ყურე.

ესტონეთი საერთოდ ნახევარკუნძულს წარმოადგენს, მაგრამ იგი ამასთანავე ბევრი პატარაპატარა კუნძულისაგან შედგება. სულ რვაას თვრამეტი პატარა კუნძულია. მათგან ყველაზე დიდია საარემია, ხიუშა, მუხუ და ვორმსი.



ლიტველი გოგონები ეროვნულ ტანსაცმელში.

ესტონეთში ერთ მილიონზე მეტი მცხოვრებია.

რესპუბლიკის დედაქალაქია ტალინი. ტალინში ას ორმოცდაათიათასი სული ცხოვრობს, ესე იგი, იმდენი, რამდენიც კაუნასში. სხვა ქალაქებიდან აღსანიშნავია ტარტუ, ნარვა და პიარნუ.

ქვეყნის მცხოვრებთა დიდი უმრავლესობა სოფლის მეურნეობაშია ჩაბმული. სოფლის მეურნეობის დარგებიდან ყველაზე წინ დგას მეცხოველეობა.

უკანასკნელი წლების განმავლობაში მრეწველობა ძალიან დაეცა. მრეწველობის ზოგიერთი დარგი, მაგალითად, გემთმშენებელი და მანქანათმშენებელი, სრულიად მოიხსო, ზოგი კი შესამჩნევად დაქვეითდა.

ოქტომბრის დიადი სოციალისტური რევოლუციის გამარჯვების შემდეგ ესტონეთის მშრომლებმაც ხელთ იგდეს ძალაუფლება, მაგრამ მალე ესტონელმა მემკვიდრეებმა და კაპიტალისტებმა ევროპის ბურჟუების დახმარებით ჩაახშვეს განხრად საბჭოთა რესპუბლიკა.

უკანასკნელ დრომდის ამ სამ ქვეყანაში პარპაშობდნენ როგორც ადგილობრივი, ისე უცხოელი კაპიტალისტები და მემკვიდრეები. ისინი ცდილობდნენ გაეჩაღებინათ ომი და იქიდან ლახვარი ჩაეცათ სოციალისტების საშობლო სათვის. მაგრამ ეს არ დასცალდათ საძაგელ მტრებს. ლიტვა, ლატვია და ესტონეთი საბჭოთა სოციალისტური რესპუბლიკების კავშირში გაერთიანდნენ.

ამიერიდან ისინი სტალინური კონსტიტუციის მზის ქვეშ სხვა მოკავშირე რესპუბლიკებთან ერთად მედგრად წავლენ წინ, უკეთესი, ნათელი მომავლისაკენ.

გმირის მოქოფინში

მიოგვი კაჭახიძე

ის ვაქცაბდ დაიბადა,
შუქი ზრდიდა მზის და მთვარის,
დღეს აქ არის, დღეს ამ ქალაქს
დასტრიალებს მისი თვალი.

სისარულად ჩვენც გვეწვევა
და ნიაჭით ბაღს შეარსევს,
სკოლას ნახავს, გაკვიდიმებს,
გაკვიბრწეინებს გულს და სხეს.

თან კვიამბობს გმირულ ამბებს
გმირთა შორის გმირად მეოფი,

როგორ სწობდა მტრების ბუნაგს
მისი ტყვია, მისი თოფი.

უკვანს თურმე კაცი მტკიცე,
მუქათი, მსხე და მარდი.
ნეტავ, როგორ ლაზარკობს,
როგორ სუნთქავს, როგორ დადის?

სად არ იყო! ჩვენც გვეწვევა,
სახეიმოდ დრომებს გავშლით,
მოვა გმირი... ცას მისწვდებს
ჩვენი ვაშა, ჩვენი ტაში!



კივნაქ თავედასკვალი

(გაგრძელება) *

კივნა ხედავს: — გზა არა აქვს,
თავსაც კარგავს კულის ვარდა.
მოსწყდა ქერს და იატაკზე
ბოლოკივით ჩამოვარდა.
გღია ძირს და თვალს არ ახელს,
განაბული უცდის თათებს.
გულში ფიქრობს: „სულ ერთია,
ვერ წაუვალ მიინც კატებს!“
ელის კივნა,
დიდხანს ელის,
მაგრამ კატა ხმას არ ზრახავს.
ცალ თვალს ახელს, —
მოდი ბარემ
რა კატაა, ახლოს ნახავს.
წყვეს ნადირი
სახემშვიდი,
იმ კატაზე ასჯერ დიდი,
ფერად-ფერად თათზე თათი
გაუდგია როგორც ხიდი.
წყვეს და სტუმარს საამებლად
ხან კუღს უქნევს, ხან თავს უწვდის.
კივნა ფიქრობს: „თუ მტრობა სურს,
მაშ ამდენხანს რალას უცდის?
არა, კატა არ იქნება,
არც კატების გვარიანი,
კატა მულად მსუნგავია,
ავია და შარიანი“.
კივნა წელში იმართება,
ქირის ოფლოში აღარ ცურავს,
ახლოს მიდის, კუღს უვარცხნის
და ზედ თავის ქათიბს ჰხურავს.
შესწრუწუნებს, სურს გაანდოს
გული ორად გაყოფილი,
და ნადირიც უალერსებს
ამ სტუმრობით კმაყოფილი.

**

ცაში ნელ-ნელ ჩამობინდა,
ბაღს ეფრქვევა ლორჯი მტვერი,
ხეივანებს და ყვავილნარებს
ფეინება ბინდის ფერი.

ჯერ სიჩუმე ჩაღვა ირგვლივ,
ძირს დაეშვა ზეცის ქერი,
მერე უცხო ხმაურზე და
ერიმულზე მიღვა ჯერი.
კივნა უსმენს განაბული
და გულს ისევ შიში ჰდაღავს,
კედელს იქით რაღაც ბორგავს,
იმას იქით კიდევ რაღაც.
ზოგი ლმუის,
ზოგი ღრინავს,
ზოგი
თათით ურტყამს რკინას,
ზოგი თითქოს დასანგრევად
ემუქრება თავის ბინას.
კივნა
რამდენს ხედავს თვალით,
რამდენს კიდევ
ჩრდილი ჰვარავს!
იქით სახლი ამართულია,
აქეთ ქერი უჩანს კარავს.
ზოგან ტბაა,
ზოგან ბორცვი,
ზოგან —
ხის და რკინის ზღოდე,
ბორცვზე ხეა და ხის წვერზე
გულყვითელი ჩიტის ბუდე.
გააოცა კივნა ბაღმა,
ლამის ქვეიდან გადირია:
ეს სად მოხვდა,
რა მხარეში,
ეს რამდენი ნადირია?!
ღმუილი რომ მიეუჩნდება,
დაიწყება ახლა სტვენა.
ერთი ზარის ხმაზე უკრავს,
სხვას სალამურს უგავს ენა.
ტიკტიკებენ,
ელურტულბებენ,
დამტკბარი აქვს ყურთასმენა.



* დსაწყისი იხ. „ოქტომბრელი“, 16-8



კიკნა ნატრობს:
 „ოხ, ნეტავი
 მეც შემეძლოს ასე ფრენა!
 რას მიზამდა,
 მაშინ თუნდა
 შემშვედროდა ათი კატა!“ —
 ისევ კატა გაახსენდა
 და ნაღველი მოემატა.
 დაღლილმა და დაქანცულმა
 დარღით გული დაიძიმა,
 ლომის თავზე დაღო თავი
 და ამ ფიქრში დაიძინა.
 უცქერს ლომი,
 დიდრონ თვალებს
 ხან აანთებს
 და ხან ნაბავს,
 უცქერს კიკნას და იგონებს
 იმ შორეულ თავის ამბავს:
 ლეკვი იყო, უდაბნოში
 მზე ღულდა და წვავდა ქვიშას,
 ლერწმიანში შემკვავა კვალზე,
 ხმით აძლევდა დედა ნიშანს.
 ბული იღვა, შამბში იწვა,
 თონესავით იყო მიწა.
 უცებ დედამ დაიქუხა,
 შეარყია ქვეყნის პერი,
 ლეკვი მიხვდა:
 ალბათ, ახლოს
 შეეფეთა საღმე შტერი.
 წამოვარდა,
 მისკენ გარბის,
 რომ თვითონაც შეხედეს სამტროს,
 თუმც ლეკვია, გული ერჩის,
 არ დატოვებს დედას ამ დროს.
 გარბის,
 ესმის
 დედის გრგვინვა,
 სხვა ქუხილიც სწვდება კიდეს,
 აი უკვე ახლო არის,
 დაინახა დედა კიდევ.
 მაგრამ
 ნეტავ არ ენახა:
 შერევია სისხლის მორევს
 და უღონოდ ურტყავს მიწას
 ტოტებივით მოჭრილ ტორებს.
 შეღრუნავს კი ვერ მოახწრო,

აქეთ-იქით ხელი სტაცეს
 და აქლემზე დათოკილი
 გაატანეს ვიღაც კატებს. **საქრებულო**
 და მას შემდეგ რა არ ნახა **საქრებულო**
 რა ტანჯვა და დარღი ზიდა,
 ვიდრე ჩვილი
 ლეკვი იყო,
 მონადირის ძაღლი ზრდიდა,
 ხან თუ ძუძუს აწოვებდა,
 ხან უღრუნდა, ხანაც ჰკბენდა.
 მას წრუწუნას დანახვაზე
 ყველაფერი გაახსენდა,
 წვეს ლომი და ჯავრისაგან
 გულმოკლეული ნატრობს ტყე-ველს,
 სხვა თუ ცხოვრობს როგორც უნდა,
 ის რისათვის დაატყვევეს?!
 სხვა თუ სუნთქავს
 ტყეში,
 ტვერში
 და აშენებს თავის ბუდეც, —
 მან თავი რად შეაღიოს
 ამ უღონობელ რკინის ზღუდეს!
 ორმოც წლამდე ძლივსა ცოცხლობს
 და ორმოცსეუ აქა სტოვებს,
 რა ჭნას, როგორ გადაურჩეს
 ამ დარღსა და სიმარტოვეს?!
 ლომი ზეზე წამოიჭრა,
 ვერ გაუძლო გულმა დულილს,
 დაიბღაველა,
 დაიგმინა,
 ხმას კი არა —
 ჰგავდა ქუხილს.
 კიკნა წახდა,
 განზე გახტა,
 იქაც ლომის
 გრგვინვა დახვდა.
 ძილში ხედავს, ცა დაიქცა,
 თუ სიზმარი ცხადად ახდა?
 გარბის,
 საით? —
 არ კითხულობს.
 ან ვის ჰკითხობს,
 ვინ რას ურჩევს!
 მიხტის სკუპით,
 სხაბასუპით,
 ოღონდ ამ ხმას გადაურჩეს...



(გაგრძელება შემდეგ ნომერში)

როგორც დათვმა ურჩია, და ნაჯახს მიმართა:

— ნაჯახო, ჩემო ნაჯახო, უბედური კაცი ვარ, ერთი ოდა ამიშენეო.

დატრიალდა ნაჯახი, მოზიდა მორეზი, დათალა ფიცრები და სალამომდე შესანიშნავი სახლი წამოკიმა. ვაეარდა ხმა იანვარას ოსტატობის შესახებ. იანვარას ოსტატობის ხმამ ბატონის ყურამდეც მიაღწია.

ერთ დღეს მიიხმო ბატონმა იგი და უბრძანა:

— იანვარა, ისეთი სასახლე ამიშენე, რომ მარტო იმისი ჩუქურთმები ღირდეს ზღვათა ხელმწიფის სამეფოდო.

იანვარამ სთხოვა ნაჯახს. დატრიალდა იგი და ააშენა უზარმაზარი შესანიშნავი სრა-სასახლე.

მოვიდა ბატონი, მოეწონა ნამუშევარი, მაგრამ მინც უყვირა იანვარას:

— ეს რაა, მე როგორ მკადრე ასეთი სახლი, მე სასახლე გითხარიო!

იმართლა იანვარამ თავი, მაგრამ ვერა გააწყურა. მიზეზიანმა ბატონმა ბრძანა: ამ კაცს ნაჯახი ჩამოართვით და მეორედ არ ვნახო მაგის ლანდი სასახლეშიო.

დაღონდა იანვარა. დაბრუნდა შინ და ცოლს უამბო ყოველივე. ცოლმა უთხრა:

— რას იზამ, ძალა აღმართსა ხნავსო.



შეუღდა იანვარა ძველებურად ტყის დარაჯობას. ერთ წელიწადს სოფელში დიდი შიმშილობა იყო.

დანაღვლიანდა იანვარა. ერთხელ ცოლიც მას ურჩია: წადი, შენ მეგობარ ირემს მიმართეო. თუმცა ვერიდებოდა, მაგრამ მაინც ქუაში დაუჯდა ცოლის რჩევა, ჩადო ორი მჭადი გულაში და გასწია გამოქვაბულისაკენ.

ირემი სიხარულით შეეგება იანვარას. ბოლოს ირემმა ჰკითხა:

— მინც რა გაგვირევიანო?

იანვარამ უამბო ყველაფერი. დაფიქრდა ირემი, მოგლიჯა იქვე ერთი ბლუჯა ბალახი, მიაწოდა იანვარას და უთხრა:

— შენი ამავიჩემთვის დაუფასებელია, მაგრამ სხვა არა გამაჩნია რა, ღარიბი ვარო.

გამომშვიდობა იანვარა და წამოვიდა. ნაცნობ წყაროსთან იანვარას დათუნია შეხვდა. იანვარამ ირემის ნაჩუქარი აჩვენა ბურღლუნას.

— ნათლიჯან, ეგ ძალიან კარგია, მომეცი!— აიღო ბალახი, ჩაყარა გულაში და თქვა:

— გულა, ჩემო კარგო გულა! ხომ იცი, დათუნის რა უყვარსო?

გულა თავლით აივსო. მიადგა დათუნია და ხერიპა და ხერიპა. კარგად რომ გამოიბრუნა, იანვარას უთხრა:

— ნათლი, ჩაუთქვი გულას, რასაც ის ურეგბ, გაგიჩენსო.

გაოცებულმა იანვარამ წაიბუტბუტა:

— გულა, ჩემო გულა, ცოტა რამ მაქამეო.

უცებ მწვანეზე სუფრა გაიშალა. მოდის და მოდის ხაკაპურები, ნახუქები, დედლები. დაჯდა იანვარა და მაგრად მიიძღა.

ბოლოს კმაყოფილი იანვარა დემშვიდობა დათუნისა და გამოსწია უკან. კვლავ გამხიარულდა იანვარას ოჯახი.

იმავე სოფელში ერთი მღვდელი იყო, რომელსაც ერთობ გაუმაძღარი ცოლი ჰყავდა. საიდლანაც ქალს გაეგო იანვარას სასწაულმოქმედი გულის შესახებ.

ერთ დღეს ავადმყოფობა მოიგონა მღვდლის ცოლმა. სხვა არაფერი მიშველის, თუ არა იანვარას სასწაულმოქმედი



გულაო. ადგა თვით მღვდელი და მივიდა იანვარასთან. რას იხამდა იანვარა, ყვითლი კაცი იყო, ათხოვა გულა. მეორე დღეს იანვარა მივიდა მღვდელთან გულის წამოსაღებად, მაგრამ იანვარას მღვდელი გაუჯავრდა:

— რას მიქვიან, გლეხო, გულა როდის მოგიცია ჩემთვისო.

დალონდა იანვარა, მხოლოდ ეს აკვირვებდა, ღვთის მორწმუნე მღვდელი ტყუილს რომ კადრულობდა.

გავიდა ხანი. კვლავ შიმშილმა დაიხადგურა იანვარას ოჯახში. ბოლოს კვლავ გადაწყვიტა იანვარამ ირემთან წასვლა. ირემი ჩვეულებრივი სიხარულით შეეგება და ბოლოს ჰკითხა:

— რა გაგჭირვებიაო?

იანვარამ მოახსენა ყოველივე.

— შენი ამაგი ჩემთვის დაუფასებელია, მაგრამ სხვა არა გამაჩნია რა, ღარიბი ვარ, — თქვა ირემმა და იანვარას ძველი ჩლიქი გადასცა. მადლობა გადაუხადა იანვარამ და გამოსწია.

წყაროზე კვლავ დათუნია დახვდა.

— ნათლიჯან, ეგ ძალიან კარგია, სახლში პირჩამოტყეხილი ჯამი რომ გაქვს, შიგ ეგ ჩლიქი ჩადე და შემდეგ შეეხვეყე დაგებმაროსო.

გამოემშვიდობა იანვარა დათუნისა და გამოსწია:

მართლაც ისე მოიქცა, როგორც დათუნია მ ურჩია, და წაიბუტბუტა:

— ჯამო, ჩემო ჯამო, მიშველე რამეო. გაოცდა იანვარა, ჯამი ოქროს ფულით აიღესო. კვლავ გამხიარულდა იანვარას ოჯახი.

ქალაქში ერთი ცბიერი ჩარჩი მელიქი-აღა ცხოვრობდა.

ერთ საღამოს, როცა საშინლად წვიმდა, იანვარას ეზოს მგზავრი მოადგა.

— ღმერთი გიშველით, დამე გამათე-ვინეთ, ამ ქარ-სეტყვაში გარეთ დავრჩიო.

ჩინებულად გაუმასპინძლა იანვარა მელიქი-აღას. დილით სტუმარი გამოემშვიდობა მასპინძელს.

რამდენიმე ხნის შემდეგ იანვარამ სასწაულო მოქმედი ჯამი მოიკითხა, მაგრამ სახლში ვერ იპოვა. ცოლმა უთხრა:

— ნამდვილად იმ წურბელა მელიქი-აღამ დაკვლუმა, წადი, ეგებ მოფერები-თა და ტკბილი სიტყვით გამოვავწყოთ რამეო.

ადგა და გაეშურა იანვარა ქალაქში.

— რა გაგჭირვებია, იანვარაჯან, ფული ხომ არ გინდა ვასესხო სარგებელში? — გაუღიმა მასპინძელმა.

— არა, ბატონო, ერთი პირჩამოტყრე-ული ჯამი მქონდა სახლში და დამეკარგა, თქვენ ხომ არ წამოგილიათო.

გაბრაზდა მელიქი-აღა, შეყარა ხალხი, ყვიროდა:

— ჩემისთანა პატიოსან და სახელო-ვან კაცს ეგ ყურმუსალი ჯამის ქურდო-ბას სწამებნო!

მოვიდა მამასახლისი და იანვარა და-აპატიმრა.

დღისხანა იჯდა საპატიმროში იანვარა. ბოლოს, როგორც იყო, გაათავისუფლეს. დაბრუნდა ბეჩავი შინ და ცოლს უთხრა:

— არ ყოფილა ჩვენი საშველი და ეგააო.

— რას იხამ, ბევჯერ მითქვამს, ყოველივე მდიდრების ხელშია, ხოლო ძალა კი აღმართს ხნავსო. მოდი და ერთხელაც წადი შენ მეგობარ ირემთანო.

ადგა იანვარა, აიღო ხელში სახრე და გაუდგა ნაცნობ გზას. ირემმა ჩვეულებ-რივ ჰკითხა:



— კარგი, ჩემო სახრე, ეხლა ეყოფარ სახრე გაჩერდა და მელიკომ თავს უშველა.

წამოსვლისას დათემა უთხრა იანვარას:

— წადი და ვისი ჯავრიც გაქვს, ამ სახრით ამოიყარეო.

პირველად ბატონთან მივიდა იანვარა. ბატონმა მედიდურად გადმოხედა სასახლის აივნიდან და ჰკითხა:

— რა გინდა, გლეხუკა?!

— ბატონო ჩემო, მე რომ სასახლე აგიშენე, რად დაიწუნებო?

— შარზე ხარ?! იმად, რომ ბატონი ვარ და შენისთანა გლეხუკების შრომა არაფრად მილირსო.

— მაშ კარგი, — თქვა იანვარამ, ჩამოიღო მხრიდან სახრე და უთხრა: ეგ ბატონი რეგვენია, მისცხე მაგასო.

დატრიალდა სახრე, დასცხო და დასცხო ბატონს. მისი ყვირილი ცას სწვდებოდა. ბოლოს შეეცოდა იგი იანვარას. სახრე შეაჩერა, თავისი ნაჯახი წამოიღო სასახლიდან და მღვდლისაყენ გაეშურა. მღვდელი დიდხანს უარობდა: ღმერთს ვეფიცები, შენი გულა თვალით არ მინახავსო. მაშინ იანვარამ უბრძანა სახრეს და იგიც დატრიალდა. ბოლოს მღვდლის ყვირილით შეშინებულმა მღვდლის ცოლმა თვითონ გამოუტანა სასწაულმოქმედი გულა და გადასცა იანვარას. იანვარა ბოლოს მელიქ-ალასთან გაემართა. მელიქ-ალა ყვიროდა:

— რის ჯამი, რა ჯამი, მამასახლისს დაეუძახებ და ისევ დაგიქერო!

მაშინ იანვარამ უბრძანა თავის სახრეს და სანამ ცოცხალმკვლარი არ დევცა მელიქ-ალა, მანამ არ შეაჩერა ცემა. ბოლოს ნაბეგვი მელიქ-ალა ადგა და სასწაულმოქმედი ჯამი იანვარას გადასცა.

წამოვიდა იანვარა, წამოიღო სახრე, გულა და ჯამი.

ამბობენ: იანვარა დღესაც ცოცხალია და მხიარულად ატარებს დროს თავის ოჯახშიო.

— რა გაგკირვებიაო? მოახსენა ყოველივე იანვარამ. აიღო ირემმა რქის ჩამონატეხი და მისცა თავის მოამბაგეს.

მადლობა გადაუხადა იანვარამ და გამოსწია.

წყაროსთან კიდევ დათუნია დახვდა. დათემა თქვა:

— ამ საჩუქარსაც არა უშავსო.

გამოართვა იანვარას სახრე, გაუსვა და გამოუსვა ირმის რქის ნატეხი. ამ დროს მელია მოკუნტულდა წყაროსთან.

— გამარჯობა, ბიძა, — მიესალმა იგი დათეს.


— მოდი აქ, შე წუწკო, — ამ გლეხს შენ ქათმები მოჰპარე, ხომ მართალია?!

— არა, ბიძა, ჩემ დღეში არ ეყოფილვარ მაგათ სოფელში!

იცრუა მელიკომ.

— მაშ, კარგი, — აბურდლუნდა დათუნია. — სახრე, ჩემო სახრე, ეგ მელა წუწკია, მოდი მისცხეო.

დატრიალდა სახრე, დასცხო და დასცხო მელიკოს. აწრიპინდა ქათმების ქურდი. როცა დათემა და იანვარამ გული იჯერეს სიცილით, ბურდლუნია მბრძანა:





ჩვენი სკოლა



ანდრო თევზაძე

ორი თვეა არ ხმაურობს,
დგას მოწყენით, მარტოდმარტო,
როგორც დედა თავის შვილებს,
ისიც თავის შვილებს ნატრობს.

მაგრამ მალე გაიხარებს,
ჰა, ზაფხულიც მიიწურა;
დილდობობით მთის მწვერვალებს
შემოდგომის ნისლი ჰბურავს.

სად არ ჰყავდა გაგზავნილი,
მოიარეს მთა თუ ზღვები, —
ბრუნდებიან ბანაკიდან
მკერდმაგარი ყმაწვილები.

და ხვალ ისევ ჩვენი სკოლა
ნახავს თავის ბეჯით შვილებს,
გაიხარებს ყველაფერი,
კედლებიც კი გაიცინებს.

ცელქ გოგონებს, ცელქ ბიჭუნებს,
გულს ჩაეკრავს, როგორც დედა,
შემდეგ ზარის წკრიალა ხმა
მერცხალივით აფრინდება,

და დიდ საქმეს დაიწყებენ,
და ექნებათ ერთი გარძნობა:
რომ ფრიალზე სწავლა არის
მოწაფეთა მამაცობა!

ზანზარი

იოსებ იმედაშვილი

მოკმეღნი:

დედა
ზარმაცი
ცალხელა

ცალთვალა
ცალფეხა

(ტყის პირი. ბილიკი. ხის ძირში წყარო
გაღმოჩენილხულებს. ფრინველთ ცივილი).

დედა (კოკით. უკან გაცქერით): გამოიარე
ჩქარა!

ზარმაცი (მოიხლანხნება): ეი, ქვეყანა ინგრევა,
თუ რა ამბავია?

დედა: არა და შენ გიტღის! ფიჩხი მოაგროვე,
მე კოკას ავაგებ.

ზარმაცი: მერე, მე მაგდენი შემოძლია? რა ხა-
რაბუზასავით შემომჩენიხარ, არ გეცოდე-
ბი?!

დედა: აი საწყალი! ოი, მიწამ გიყოს პირი, შე
მართლა და საცოდავო, შენა! ნეტავი
როდის იქნება, შენ ცქერას მოვრჩე!

ზარმაცი: ნუ მიცქერი, რა... ვინ გეხეწება

მიცქირეო...არ გეხარება, რო მიცქირო?
(ჩამოჯდება).

დედა: ბიჭო, გეუბნები ფიჩხი მოაგროვე — მე-
თქი, ფიჩხი, შე გასაფიჩხებელი!

ზარმაცი: ფიჩხი? რად გინდა ფიჩხი!

დედა: კიდე მათქმევინე: რომ გითხარ, თონე
უნდა ვევახურო, რომ პური გამოვიცხო,
პური! დაგიდგეს ყური!

ზარმაცი: ამა სად არის ფიჩხი?

დედა: მიდექ-მოდექ, მოძებნე!

ზარმაცი: მაგის თავი სად მაქვს! (გადაწყება
გულაღმა) ახლა მაგზე ვეთირო ქალაში:
ხეს ვაგებახუნო, სახე დაეიკაწრო, ან ფე-
ხი წამოვკრა! რა საქმე გამიქირე!

დედა: არ გამოგელიოს ქირი და ვება, რო-
გორც შენ სიზარმაცის მიზეზი არ გელე-
ვა... წისქვილში მინც ჩაირბინე და
ფქვილი ამოიტანე, — დაფქვადნენ კოდექ.

ზარმაცი: ახლა წისქვილი! მაგის წელი მაქვს?!
ბარემ სახედრად გადამაქციეთ, რალა!

დედა: ღმერთო, ღმერთო, რატომ მუქელშივე
არ გაიწყალდი, ვიდრე გშობავდი!


ზარმაცი: რა დაგიშავე, რა, ვინ გებეწეშობდა
მშობელი!

დედა: ამ გასაქრობს უყურეთ, რა ენა-პირი
აქვს!

ზარმაცი: ჰო, აგერ დამწყველე და როცა მა-
გით მოგო, მაშინ დიკვებე... შენ
დედა კი არა, დედინაცვალი ხარ... დედი-
ნაცვალიც არა... გგოწონია! აღარ დამა-
სვენებ?

დედა: ერთი ამას შეხედეთ: დამსვენეთო! რო-
ლის იყო, რომ მუშაობით ოფლი გდიო-
და?!

ზარმაცი: დილაადრიან დამადგები თავზე და
„ადე, ადე!“



დედა: (გაოცებული) „დილაადრიანო“ — აი, დი-
ლა არ გამოთენდეს... მზე გაღიწვერო, სან-
ხრობა მოვიდეს, და შენთვის ჯერ კიდევ
დილაა, შე მზეგასაქრობო?!

ზარმაცი: მა რა არა? ჯერ არც კი გამომიძი-
ნია! (მიწეება).

დედა: (გაოცებული): ხალხო, ჯამათნო, არ
გებრალბებით ამის ვადაქიდე? ეს რა ცუ-
ბლი ვაბინდა!

ზარმაცი: დედის პირი იწყველება, ძუძუები
ილოცება!

დედა: ნეტა რა გეშველებოდა, ეგ ენა რომ არ
გქონოდა! (კოკას წყაროს ღარს შეუღ-
ვამს) კოკას ყური უღდე, არ წაიქცეს;
აიფსოს თუ არა, სახლში აარბინენ და
საპურე ყურიანი ქვებით წყალი შედგი
ცუცულზე, სანამ მე ფქვილს ამოვიტან...

ზარმაცი: ახლა ეგა! გინახავთ ამისთანა აღამი-
ანი! ამა თუ ერთი ჩამომეხსნას, გემოზე
გამოვიძინო! (ხელეებს თავვეშე ამოიდებს,
ლაგვარდ ცაში ღობლებს შესქერის).

დედა: (კოკას წყაროს ღარს ქვეშ ასწორებს):
დაიხსომე, რაც გითხარ: სანამ ფქვილს ამო-
ვიტან, წყალი თბილი დამახვედრე, რომ
კომის მოხელა არ დამიგვიანდეს. (გადის).

ზარმაცი: (სივრცეში იცქირება): შენც კარგად
აიტან წყალს! ფქვილი ამოიტანე, მერე
კოკა აიტან... შენ რომ კარგი აღამი-
ანი იყო, განა ასეთ მღვევიეთ ვაქაც ზუ-
რგზე კოკა უნდა ამაკიდინო. ვინ რა
იფიქრებს! შენც იტყვი დედა ვარ და დე-
დისერთა შეილი მუყასო... ვაი, შენი-
სთანა დედას რა უთხრა! (გარინდებული
ცისკენ შემაქტრალი ღლინებს (კოკა
წაიქცევა და გატყდება, წყალი მიჩრია-
ლებს).

ცალხელა: გამარჯობა!

ზარმაცი: (გაქიანურებით) გაააგიმარჯოს!

ცალხელა: რა დაგემართა, ბიჭო, ავად ხომ
არა ხარ, რომ ამ სამუშაო დღეს ცდენ?
საქმე არაფერი გაქვს?

ზარმაცი: ავად რად ვიქნები ან უსაქმოდ? აგერ,
ვერ ხედავ, კოკას ვავსებ.

ცალხელა: კარგი მოგივა, კარგა შენ ავსებ...
ეს კოკა კი არა, კოკის ნამსხვერეებია!

ზარმაცი: ვატეხილა?

ცალხელა: არა, გამთვლებულა! (ცალი ხელით
პირზე წყალს შეიშმაპუნებს, მერე ცალი
მუქით სვამს): იფ, იფ, რა წყაროა! დაი-
ლოცა შენი გამჩენი!

ზარმაცი: (ისევე ისე უზრუნველად): ვატეხილა!
მერე ვინ ვატეხა?

ცალხელა: თარგმა პატრონმა.

ზარმაცია: თავში ჭეა იხალოს პატრონმა, — კოკის პატრონი მე ხომ არა ვარ, დედაქმნა!

ცალხელა: ნეტავი დედაშენსა, აგეთი მარგალიტი შეილი ჰყოლიხარ! (წყაროსთან ჩამოჯდება).

ზარმაცია: ეჭვი, არ მოგწონვარ?

ცალხელა: (კვლავ ცალი მუჭით წყალსა სვამს): უჰ, რა წყაროა! ღარი კი არ უვარება, — ნეტავი ორი ხელი მქონდეს, უკეთეს ღარს გავაყეთებდი, გამვეღელე-გამომთვლედი უფრო ადვილად დალევდა, შენც უფრო ადვილად დალევდი, მეც უფრო ბევრს და ჩქარა დავლევდი!

ზარმაცია: რადა?

ცალხელა: მკითხველს რომ თავი ექცეს ჭედა! მერე ავედან არხს გავჭოიდი, წყალს გავიყვანდი და. აგერა, ფერდოში რომ ლობიო მოურწყაობით ხმებაჰ მოვრწყავდი!

ზარმაცია: რადა?

ცალხელა: შენისთანა ზარმაცს რომ თავი ექცეს ჭედა... მერე ამ წყაროთი მორწყული მიწა რა გემრიელ ლობიოს მოიყვანდა! (კიდევ დალევს) უჰ, უჰ! სწორედ უკვდავების წყაროა! (წამოდგება წასასვლელად).

ზარმაცია: ძმობილო, ერთი წყალი დამაღვიეინ!

ცალხელა: რითი?

ზარმაცია: აი, კოკის ნატეხით!

ცალხელა: შე ოჯახქორო, აქამდე ვეღარ მოჩიხდი, რომ დაეწავო?

ზარმაცია: ახლა რა დიდი ცოდვა იქნება, წყალი მომაწოდო, ვერა ხედავ, წელი მტკივა!

ცალხელა: ოჰ, შე მუქთახორა! მეორე ხელიც უნდა მქონდეს, რა მთა-გორი გადავებო-რუნო, უწყლოს წყალი ვაღინო, მწირ ადგილზე ბალი გავაშენო! (მოდის).

ზარმაცია: რა თქვა?! „მეორე ხელიც უნდა მქონდესო.“ (ორივე მკლავს ასწევს) მე კი ორივე ხელი მაქვს... (ხან ერთს გაიქნევს, ხან მეორეს) არა, ორივე ჯანმრთელია, არც ერთი არ არის დამზღადაკებული.

ცალხელა: (მომაველი ფიჩხისა და შეშის გროვებით): ისე არ დაილევა ტყე, რომ ჩემისთანა საწყალი ცალთვალსათვის არაფერი გაიმეტოს (კონანდ შეჭკრავს). ერთი წყლითაც გავივრილო გული! (კონანს მოთრევით) რა სულიერი ხარ, ცოცხალი თუ მკვდარი?

ზარმაცია: ვერა მხედავ?

ცალხელა: სწორედ იმიტომ გეკითხები, რომ გხედავ! შრომის ზარი ცემს, თათოფული

ნაბიჯი ბედნიერებას ჰქვინს, ყოველი მიტვინი-მოვლენა სიცოცხლის ხალისსა, და შენ რა დამვართავ?

ზარმაცია: ნეტავი არ გეზარება, რომ შენს ნაბიჯს ვხედავ?

ცალხელა: (ცალი თვალით აცქერდება): მართალია, შენისთანა ლეშისათვის ადამიანება არა უნდა მოაციდნოს. (ფიჩხის კონანს დაადგებს, წყაროზე ხელებს დაიბანს და ორივე ხელის მუჭით რამდენჯერმე მოსვამს, ჩამოჯდება, უბოდან წიგნს ამოიღებს და იზებირებს). „მე ჩანჯურთი მისთვის მიწადა, რომ სიმათულეს მსახურებდეს, განამტკიცოს აზრი წმინდა, გულს სიწმინდით ახურებდეს“ (ორჯერ).

ზარმაცია: ვგ რას ბუტბუტებ?

ცალხელა: ყურთ ხომ არ გაკლია, ვერა ხედავ, გაკეთილს ესწავლობ — ლექსს ვიზებირებ.

ზარმაცია: როგორ, ფიჩხს აგროვებ და თან ლექსს იზებირებ?

ცალხელა: მაშ ხომ არ მოვცდები? ნუ მიშლი! შესვენების დროს დავიზებირებ კიდევ! (განაგრძობს სწავლას).

ზარმაცია: ნეტავი შენა, არ გეზარება!

ცალხელა: გეტყობა, ტყინს ობი გფვარება! სწავლა თუ დასაზარებელია, მაშ უსწავლელობაა სახალისო? (იმეორებს).

ზარმაცია: (ამოქანარებს): უჰ, რა გვიან დამდება, დამეძინოს მაინც.

ცალხელა: (ერთსაც გაიმეორებს უწიგნოდ): ესეც მოვჩიხი, ახლა წავალ, არ დამიგვიანდეს! (კონანს მოიკიდებს).

ზარმაცია: (კონანს შესცქერის): ეს ფიჩხი საღ იშოვე?

ცალხელა: (გაოცებული, ჯიბრით): მოუსაღლეთში. როგორ თუ საღ? ვერა ხედავ ტყესა? მიიხედ-მოიხედ, მტრიალდ-მტრიალი დან... (კიდევ დალევს, შემდეგ გაიხედავს) ოჰ, რა მშვენიერია არე-მიდამო, ტყე, წყარო, მთები, გორები! ოხ, ნეტავი მეორე თვალსაც მქონოდა, მაშინ მთელ ქვეყნიერებას დაეინახავდი, უფრო ჩქარა ბევრს ფიჩხს მოვკრებდი და ჩემს ბედს ძაღლიც ვერ დაჰყვებდა! (მაიჯეს ფიჩხის კონან, თან ლექსს იმეორებს ზეპირად).

ზარმაცია: (გადახედავს): რაია, ორი თვალიო! (თვალბუზე ხელს მოიხვამს, ცალ თვალზე დაიფარებს, მერე მეორეზე, ისევ ორივეთი გაიხედავს) მე ხომ ორივე თვალით ვხედავ! ვი დედლიჩმის ღმერთსა, — რაც სხვას ენატრება, თურმე მე მქონია, მაგრამ... (შენიშნავს მომაველს).

(გაგრძელება შემდეგ ნომერში)

ქეტრე ბაგრატიონი



აიხ. მამალაშვილი

საქართველო ძველთაგანვე გმირების ქვეყნად ითვლებოდა. ჩვენი სამშობლოში ბევრი ისეთი შესანიშნავი მებრძოლი დაბადებულა, რომელთა სახელებს მთელი მსოფლიო იცნობს. ეს თავდადებული ადამიანები თავგამოდებით იცავდნენ საკუთარ მიწაწყალს უცხოეთიდან შემოსული ყოველგვარი დამპყრობლებისაგან. ძველად საქართველო მტრულ ქვეყნებით იყო გარემოცული. ყველა ცდილობდა ჩვენი მდიდარი და ლამაზი მხარის დაპყრობას, აოხრებას, ჩვენი ხალხის დარბევასა და ვადგევარებას. და აი, ქართველ ხალხს თავისი წრიდან რომ არ წარმოეშვა ისეთი ადამიანები, როგორც იყვნენ ვახტანგ გორგასლანი, თამარი, დავით აღმაშენებელი, გიორგი სააკაძე, პატარა კახი და მრავალი სხვა გმირი, ახლა საქართველოსა და ქართველების ხსენებაც, ალბათ, აღარსად იქნებოდა.

ქართველი გმირების სამოქმედო ასპარეზს ყოველთვის საქართველო როდი წარმოადგენდა. უკუღმართი ბედი მათ ხშირად აშორებდა თავის სამშობლოს, ხალხს და უცხო მხარეებში გადაქარგავდა ხოლმე, მაშინ, როდესაც მათ ქვეყანას თითოეული ასეთი გმირი აურაცხელ ფასად უღირდა. აი, მთავალითად, ისტორიიდან ცნობილია, რომ შორეულ საფრანგეთში, ნაპოლეონის არმიაში, თავგამოდებით იბრძოდა ქართველი გმირი როსტომი, რომელიც ნაპოლეონის მარჯვენა ხელად ითვლებოდა. გმირი ქართველი ხალხის შეიღმა საქართველოს გარეთაც უჩვენა თავისი პირადი თვისებები, ასახელა თავისი ხალხი, თავისი ქვეყანა. მაგრამ იგი მოკვდა უცხოეთის ცის ქვეშ, მოკვდა ისე, რომ სიკვდილის წინ ვერც კი იხილა თავისი სანუკვარი სამშობლო. პარიზში შემთხვევით გავლილი მოგზაური თუ ნახავს მის ობოლ საფლავს და გვირგვინით შეამკობს სხვათა ქვეყანაში გადაქარგული თანამემამულის სამარეს.

ასეთივე ბედი ეწია მეორე შესანიშნავ ქართველს პეტრე ბაგრატიონს. იგი ბავშვობიდანვე რუსეთში მოხვდა, იქ აღიზარდა, დაეკაცდა, მიიღო

სამხედრო განათლება და ამ ქვეყანასვე შესწირა თავისი უდიდესი ნიჭი და უნარი. ბაგრატიონმა მეტად შეიყვარა რუსი ხალხი, რუსეთი მისი მეორე სამშობლო გახდა. ეს სიყვარული მან დამტკიცა მთელი თავისი ცხოვრების მანძილზე და ბოლოს აქვე ჰპოვა თავის უკანასკნელი ბინა — გმირულად დაეცა ბრძოლის ველზე.

*

პეტრე ივანეს ძე ბაგრატიონი საქართველოს სამეფო გვარეულობის შთამომავალი იყო. იგი დიდად საქართველოში 1765 წელს. აქვე მიიღო პირველდაწყებითი განათლება. ნათესავების რჩევით, უმათეო პეტრე მიღის რუსეთში სწავლის გასაგრძელებლად. აქ მან აირჩია სამხედრო სასწავლებელი, მიიღო სამხედრო განათლება და სიკვდილამდის ამ საქმეს ერთგულად ემსახურებოდა.

სამხედრო სამსახური ბაგრატიონმა 1782 წელს დაიწყო. 17 წლისა იყო, როდესაც სერენატად (უმცროს მეთაურად) დანიშნეს კავკასიის მუსეტერთა ლეგიონში. მალე, ჩრდილო-კავკასიაში ერთ-ერთი ბრძოლის დროს, იგი მძიმედ დაჭრეს და უპატრონოდ მიატოვეს მინდორზე. აქ მას ქართველი მთიელები დაეხმარნენ და სიკვდილს გადაარჩინეს.

თავისი ხანგრძლივი ცხოვრების მანძილზე ბაგრატიონს არაერთი ბრწყინვალე ბრძოლა გადაუხდა, რომელთა დიდი ნაწილი თავის თავის სასარგებლოდ დაუმთავრებია.

განსაკუთრებით ისახელა თავი ალპებზე გადასვლის მოწყობით და, ბოლოს, ნაპოლეონთან ბრძოლაში, სოფელ ბოროდინოსთან, სადაც მან, მიუხედავად დიდი გმირობისა, ვერ დაადგინა თავი ფრანგების ზარბაზნებს და ვაეკაცურად მოკვდა ბრძოლაში.

მეტად საინტერესოა ამ ლეგანდარული ადამიანის ცხოვრება. მე მინდა მოგიხსნათ მისი ბრძოლებიდან ორი მოამბეტი, ერთი — როგორ მოახერხა მან ალპებზე გადასვლა, და მეორე — ნაპოლეონთან ბრძოლების შესახებ.

აი როგორ მოაწყო ალპებზე გადასვლა: საფრანგეთის მიერ დაპყრობილი იტალიის



პეტრე ბაგრატიონი

გასანთავისუფლებულად, სხვა მოკავშირეებთან ერთად, რუსების არმიაც წაევიდა. იტალიაში ბაგრატიონის ბრწყინვალე გამარჯვებების შემდეგ, რუსების ჯარები შვეიცარიისაკენ გაემართნენ და პირლამპირ ალპის მთებს მიადგნენ. არმიის სარდალი სუფოროვი არ იცნობდა ალპებზე გადასვლის პირობებს, იგი მთლიანად მიენდო მოკავშირე ავსტრიელების გამოცდილებას. სამი გზა იყო შვეიცარიაში გადასასვლელად: ორი მათგანი შედარებით ადვილი იყო, მესამე, თითქმის მიუვალი, სენ-გოტარდის გადასასვლელზე გადადიოდა. გარდა ამისა, ეს მესამე გზა ფრანგების მეთვალყურეობის ქვეშ იყო. ავსტრიელებმა სუფოროვს ეს უკანასკნელი გზა ურჩიეს.

1799 წლის 10 სექტემბერს დაიწყო რუსთა მხედრობის ისტორიული ლაშქრობა შვეიცარიაზე. ბაგრატიონი ჯარს წინ მიუძღოდა. მას ყველაზე ძნელი გზა ედო წინ: ხშირად უხდებოდა ჩისაფრებულ მოწინააღმდეგესთან ბრძოლა. გზა მეტად საშიში და სასიფათო იყო. მთებში მიმავალი ვიწრო და საშინელი ბილიკი მეტისმეტად უძნელდება ჯარისკაცებს მოძრაობას. მაგრამ ყველაფერს ბაგრატიონის გამოცდილებამ სძლია. იგი, როგორც საქართველოს მთებში ნაჩვევი, ადვილად იკვლევდა გზას და მხედრობასაც ამხვევდა.

ჯარი მთელი დღეებისა და ღამეების განმავლობაში შეუსვენებლად მიიწვედა წინ.

გადასვლის მესამე დღეა. ირგვლივ ნისლი ჩამოწევა. ხუთ ნაბიჯზეც აღარაფერი ჩანს. წვიმა და თოვლი ერთმანეთს ცვლის. გამოიკვრებული ქარიშხალი ფეხზე იღარ აჩერებს ჯარისკაცებს.

ისმის ბაგრატიონის ომახიანი შეძახილი: — დადექ!

ჯარისკაცები ჩერდებიან, თოფებს ძირს უშვებენ, ცეცხლს ახალევენ. ისმის რუსული სიმღერა. მთების გამოძახილს შორს მიაქვს ნაღვლიანი ხმები.

ბაგრატიონი ამ დროს თავისი საქართველოს მთებზე ფიქრობდა: როგორ ჰგავს ეს ალპები კავკასიონის ქალბრა ქედებს! ნაცრისფერი ცა, ალპებზე გადმოხურული, სადღაც უერთდებოდა მთის მწვერვალებს...

განათილის პირველი გამოჩენა ყველაზე ადრე ბაგრატიონს აღვიძებს, კვლავ წინსვლა იწყება. საშინელი კლდეები, უფსკრულთა ვიწრო კიდეზე გაყვანილი ბილიკები; ჯარისკაცები თავს ვერ იმაგრებენ და ხრამში ცვივიან...

დილით დანიშნული იყო შეტევა სენ-გოტარდზე, სადაც ფრანგები იყვნენ დამანაკლებული. რუსთა ლაშქარმა წარმატებით გადაიარა სენ-გოტარდი და მტრის ცეცხლის ქვეშ გადავიდა ეგრეთწოდებულ „ემშაიკის ხიდეზე“. ეს მართლაც რომ ზღაპრული ხიდი გადებული იყო ხრამზე 75 ფუტის სიმაღლეზე. ასეთ შემადრწუნებელ გადასასვლელზე გადასვლისათვის საჭირო იყო არაჩვეულებრივი მამაცობა და გამბედაობა. ჯარისკაცები ცვივოდნენ უფსკრულში, მაგრამ ბაგრატიონის რაზმის წინსვლას მაინც ვერაფერი აჩერებდა.

ბუნების სტიქიონი გადალახული იყო. უდიდესი დიძაბულობით დაასრულა რუსთა ლაშქარმა ალპებზე გადასვლა, რითაც მან შეძლო თავი დაედევნა მტრული ვარეშოკვიდან.

„ემშაიკის ხიდეზე“ გადასვლამ მთელი მსოფლიო აღაპარაკა. ბაგრატიონის სახელი ყველას პირზე მკერა.

არა ნაკლები გმირობა გამოიჩინა ბაგრატიონმა ნაპოლეონის წინააღმდეგ ბრძოლაში, სოფელ ბოროდინოსთან, მოსკოვის ანლოს.

... 6 და 7 სექტემბერს ღამით ბაგრატიონის ჯარები ბოროდინოს ველზე ისვენებდნენ. სასტიკი ქარი ქროდა. შორს, სიზნელში, ნაპოლეონის არმიის დამანაკების ადგილიდან ცეცხლის შუქი მოჩანდა. ნაპოლეონს გეგმაში მთავარი დარტყმა ბაგრატიონის არმიისზე ჰქონდა განზრახული. რვაჯერ მიიტანეს ფრანგებმა იერში ბაგრატიონზე, მაგრამ რვაჯერვე სასტიკ-

ად იქნენ უკუაქციულნი, რაც მათს აზრისა დიდ ზარალს აყენებდა...

დაიწყო რუსთა შეტევა. სოფელი სემიონოვსკაია აღში იყო გახვეული. ფრანგები კლავ იერიშზე გადმოვიდნენ. მტრის 46 ათასი ჯარისკაცის წინააღმდეგ ბაგრატიონმა მხოლოდ 18 ათასის გაყვანა შეძლო.

როდესაც მან დაინახა, რომ მოწინააღმდეგე ბრძოლას იგებდა, ბრძანება ვასცა ვადასულთიყენენ შემხვედრ ბრძოლაზე.

მოულოდნელად ბაგრატიონი ცხენიდან ჩამოვარდა. იგი შეეცადა თავისი ჭრილობის დაფარვას და აღგომა მოინდომა, მაგრამ თავი ვერ შეიკავა და ისევ დეცა: ჭრილობა მძიმე იყო და გმირი სარდალი ბრძოლის ველიდან გაიტანეს.

იგი იწვა სემიონოვის ბორცვზე და თავალებით შეჭურებდა კვამლით მოკულ მინდორს. იმდენად იყო ბრძოლის ტინით გამსჭვალული, რომ ვერ ამჩნევდა, როგორ ხდიდნენ ტანისამოსს. ბაგრატიონს, სისხლის დაკარგვისაგან დასუსტებულს, აღარ შეეძლოა ჯდომა. მასთან მივიდა შტაბის უფროსი. ბაგრატიონმა უჩვენა რა ბრძოლის ველზე, ჩურჩულით უკარნახა თავისი უკანასკნელი ბრძანება.

ბოროდინოს ველზე ფრანგებმა ვერ შეძლეს რუსის ჯარისკაცთა სიმტკიცის გატეხვა, მაგრამ ნაპოლეონის ჯარები მაინც შევიდნენ მოსკოვში. რუსეთის მიწის დაცვა ბაგრატიონის ცხოვრების მიზანს შეადგენდა. საქართველოს ერთგულმა შეიღმა მთელი თავისი სიცოცხლე ამის შესწორა და უკანასკნელი განსასვენებელიც ბოროდინოს ველზე ჰყოფა...

იგი გარდაიცვალა 1812 წლის 24 სექტემბერს.

საყურადღებოა, რომ ბაგრატიონი ამ ბრძოლაში მარტო არ იყო. მას მხარს უმშენებდნენ სხვა ქართველებიც: კავალერიის გენერლები ფანჯულიძეები, პოლკოვნიკი იოსელიანი, გენერალი იაშვილი და სხვა.

რუსეთის მიწის დაცვა ამ გმირებს თავიანთ სისიცოცხლო საქმედ ჰქონდათ გადაქცეული.

საქართველო
გენერალ-ლეიტენანტი

*

ბირად ცხოვრებაში ბაგრატიონი ტიპური ქართველი იყო: შუათანა ტანის, ხმელ-ხმელი, შავგვრემანი და ნამდვილი არწივისებური ცხვირით. მიუხედავად იმისა, რომ თითქმის მთელი ცხოვრება რუსეთში გაატარა, ხასიათითა და ქცევით ადვილად მიხედვოდა კაცი მის ქართველობას. ეს უშიშარი და წარბაშეუხრელი სარდალი მეტად ხუმარა, მზიარული და ენამოსწრებული ყოფილა. მის თანამედროვეთა გამოცემით, ბაგრატიონი თურმე ყველაზე მწვავე და გათულეზულ წუთებშიც კი არ წყვეტდა თავის ჩვეულ ხუმრობას. არსებობს ერთი საინტერესო გადმოცემა, რომელიც მის მზიარულ ბუნებას მკაფიოდ ახასიათებს:

ერთხელ, მეტად გათულეზებული სამხედრო მდგომარეობის დროს, ბაგრატიონთან გამოცხადდა მისივე ადოუტანტი ღენის დავიდოვი და მოახსენა:

— მთავარსარდალმა ბრძანა — მოწინააღმდეგე ჩვენს ცხვირწინ არის და დაუყოვნებლივ უნდა დაიხიოთო.

ბაგრატიონმა ასე უპასუხა:

— როგორ, მოწინააღმდეგე ჩვენს ცხვირწინ არის? გაანია, ვის ცხვირზეა ლაპარაკი: თუ მას შენი ცხვირი აქვს ნაგულისხმევი, მაშინ დავლუბულვართ, და თუ ჩემი — თავდაცვას კიდევ მოვასწრებო.

მულამ მზიარული ბაგრატიონი ასეთ წუთებშიც კი არ იშლიდა თავის ჩვეულებას. ამ ხუმრობის დროს მას მხედველობაში ჰქონდა თავისი არწივისებური ცხვირი, რომელიც მკვეთრად ასხავებდა სხვა სარდლებისაგან.

ასეთი იყო იმ ადამიანის ცხოვრება და ბრძოლები, რომელმაც მთელი თავისი სიცოცხლე ჩვენი ქვეყნის დაცვას შესწირა.





კაკლის ხე

საქართველოს
შრომობიანი

ენო გუგუშვილი

— ოჰ, ოჰ! — ოხრავს ატმის ხე.
 — რა მოგივიდა? — შეეკითხა ალუბალი.
 — მომსპო კაკლის ხემ, მომსპო. დი-
 ლიდან შუადღემდის მის ჩრდილში ვარ
 გახვეული, ამიტომაც გამოვედი ასე სუს-
 ტი, ყვაკილი უფერული მაქვს, ხილიც
 უგემური.

— მეც შენს ღღეში ვარ: შენ რომ
 მოგშორდება მისი ჩრდილი, მერე ჩემზე
 გადმოდის, დაღამებამდის კაკლის ჩრდი-
 ლის ნაბადში ვარ გახვეული.

— ჩვენც, ჩვენც გვჩრდილავს! — აშრი-
 აღდნენ ბალი, ქლიავი, ვაშლი და სხვა ხე-
 ებიც. — ვთხოვით ჩვენს პატრონს, მოკრას
 ეს ბებერი ახმახი, მაშინ ჩვენ შევძლებთ
 უფრო მეტი და კარგი ხილი მივცეთ,
 სტუმარებთან სუფრა დაუშვებენოთ, ვსა-
 ხელოთ.

— ჩვენი ხილი რა ცუდია? — წყნარად
 შენიშნა წაბლის ხემ.

— შენი, კაკლისა და თხილის ხილი
 სარდაფში დამალოს და მათგან ზეთი გა-
 მოხადოს, — დაცინივით შენიშნა წითელ-
 ლოყება ვაშლმა.

— შეჩერდით, — დინჯად წარმოთქვა
 კაკლის ხემ. — ხილზე ნუ იქნება ლაპა-
 რაკი. ხილი ყველა კარგია თავის დრო-
 ზე და თავის ადგილზე.

— მართალს ამბობს კაკლის ხე, — შე-
 ნიშნა წაბლმა, — ყველა ხილი კარგია თა-
 ვის ადგილას, მაგრამ თხილის, განსაკუ-
 თრებით კი კაკლის ზეთი ყველა ხილ-
 ზე უფრო ძვირფასია. თქვენ ახმახ და
 ბებერს უწოდებთ, რადგან არ იცით,
 როგორ დიდხანს ძღუბს იგი. მაგან რა-
 მდენიმე თქვენი თაობა გამოიცვალა, კი-
 დევ ბევრს გამოიცვლის. კაკლის გული
 უძვირფასესია ავეჯისათვის, მისგან მუ-
 სიკალურ იარაღებს აკეთებენ.

— შენ დაგავიწყდა, — სიტყვა ჩამოარ-
 თვა უნაბმა, — რომ კაკლის ხე დიდი მე-
 რძოლია. მე პაწაწინა ვიყავი, რომ სო-
 ფელს დიღმა გრივალმა გადაურბინა.
 ტოტებს ლაწალაწი გაჭკონდა, ძირიანა
 იგლიჯებოდა ვეგებრთელა ხეები. დედა-
 ჩემი თავზე დამეცა, მე ტოტებშუა მოვ-
 ვდი და გადავჩი. მახსოვს, როგორ არ-
 ხევდა კაკლის ხე ღონიერ ტოტებს, თი-
 თქოს ხმლით იგერიებდა მტერს. ბოლოს
 გრივალმა გადაიარა. სახლის პატრონი
 გარეთ გამოვიდა, დაინახა, რომ ხილი
 დაბოთ გაფხილია, ხეები დამტვრეულია.
 მხოლოდ კაკლის ხე დგას უვნებლად.

— ჰე, ჰე, — ამოიოხრა ჩვენმა პატრონ-
 მა. — დიდი ზარალი ვნახე: კიდევ კარგი,
 ცოცხალი რომ ვარ, ამას ჩვენს კაკლის
 ხეს უნდა ვუმადლოდე, ეს რომ ახლოს
 არ ყოფილიყო, გრივალი სახლის სახუ-
 რავს აგლეჯდა, ან მთლად დაანგრევდა
 მოძველებულ ოდას.

ხეებს შერცხვით თავიანთი საქციელი-
 სა. თავი დახარეს. ხანდახან შესცქეროდ-
 ნენ კაკლის ხეს და თითქოს ბოდიშს იხ-
 დიდნენ. შემდეგ ჩუმად აშრივდნენ და
 საუბარი გამართეს კაკლის ხის გმირობის
 შესახებ.

კაკლის ხემ ყური მოკრა მათ საუბარს
 და დინჯად წარმოთქვა:

— მაშ, ჩემს ირგვლივ შემოიკრიბეთ,
 საერთო ძალით ზურგი ვაუშვაროთ
 ჩვენს პატრონს და ისიც მეტი ყურად-
 ლებით მოგვეპყრობა. უერთმანეთოდ
 არ ვარგივართ, ჩვენ ყველანი ძმები ვართ,
 თანასწორუფლებიანი. ჩვენი მოვალეობა,
 ბუნების მიერ დაკისრებული ვალდებუ-
 ლებანი პიონათლად შევასრულოთ.

მთელი ბალის ხეხილი აშრივდა უდი-
 დესი კმაყოფილებით, მოეწონათ კაკლის
 ხის მამობრივი საუბარი და თანხმობის
 ნიშნად კენწეროები შეათამაშეს.





ხვალ თუ ომი იქნება

ხვალ თუ ომი იქნება
 ვერაგ მტერთან საჭირო,
 თუ შრომელთა მჩაგვრელი
 ჩვენთან ბრძოლას აპირობს,—
 ჩვენც იარაღს ავისხამთ,
 უქმად არვინ დავრჩებით
 და დიდებთან ვიბრძოლებთ
 ჩვენ, პატარა ბავშვებიც.
 ხვალ თუ ომი იქნება
 დიდ სამშობლოს საზღვართან,
 მტკაველ მიწას არ დავთმობთ,
 დროშას მალლა აღვმართავთ;
 ვაჟაკურად ვიბრძოლებთ
 თვითმფრინავით, ტანკებით,
 ბრძოლის ველზე საომრად
 ჩვენც უკლებლივ გაჟინდებით.

ხვალ თუ ომი იქნება
 ზღვაზე წითელ გემებით,—
 ერთსულოვნად ვიბრძოლებთ
 ჩვენი ქვეყნის ერები;
 ვიბრძოლებთ და გმირულად
 მტკიცე საზღვრებს დავიცავთ,
 დავამარცხებთ მტერს ისე,
 დაავიწყდეთ თავიცა!
 ხვალ თუ ომი იქნება
 ზღვაზე, მთებში თუ ველად,
 ჩვენს სამშობლოს დავიცავთ,
 ვასახელებთ დიდ ბელადს,
 გამოვიჩინთ გმირობას
 ჩვენი ქვეყნის საზღვართახ,
 დროშას თავისუფლების
 საზღვარს იქით აღვმართავთ!

ვანო მათიაშვილი

ოჯომგბელთა სიმღერა

ჩვენ სტალინის მზეში ვყვავით,
 ჩვენ სტალინმა მოგვცა ძალა
 და მის მიერ დარგულ ყვავილს
 დღეს კოკორი გაეშალა.
 ახალ მზეში დავიბადეთ,
 ამოგყვეით ნათელ სხივებს;
 ჩვენს დედ-მამებს უწოდებენ
 ბრძოლისა და შრომის გმირებს.

დღეს სხვარიგად გვიხარია,
 დღეს სხვარიგად გვიცემს ვული-
 ოქტომბრული სიმხნე მოგვაქვს
 და ხალისიც ოქტომბრული.
 ჩვენ სტალინის მზეში ვყვავით,
 ჩვენ სტალინმა მოგვცა ძალა
 და მის მიერ დარგულ ყვავილს
 დღეს კოკორი გაეშალა!

სტავანი არსუთმლი

სოფ. ელისციხის (გურჯაანის რაიონი)
 საშუალო სკოლის X კლასის მოსწავლე.

